

مشتاقنامه

طبعه و محل اداره :

دهال اوغلنده امنیت
سندونی جوارنده
شنکول یقوشنده
۲۵ نومبر

سلک زده موافق آثار
جدیده مع المنونیه
قبول اولنور

درج ایدله بن آثار اطاده اولنور

ریس ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و رشوه اسلامیه بحث ایندرو هفته ده بر نشر اولنور.

صاحب و مؤسسلری :

آبونه بدلی

در سعادتده نسخه سی ۵۰ یاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریله برسه سنوی
۲۰ غروش فضله آلنور

۱۰ تموز ۳۲۴

سنه لکی	التی آیلانی	
۶۵	۳۵	عالمک عثمانیه ایچون
۶۵	۳۵	روسیه
۱۷	۹	سائر عالمک اجنبیه
		غروش
		روبله
		فرانق

یدنجی جلد

۱۱ ربیع الاول ۱۳۳۰ پنجشنبه ۱۶ شباط ۱۳۲۷

عدد : ۱۸۲

برنجی مقاله‌مزی شو یوقاریکی عبرت آمیز سوزلرله بیره‌جکیز .
کله‌جک مقاله‌لر بزه برطاقم مهم حقیقتلر اوکرته‌جکدر .
جناب حق انظار عبرتمزی آخسین و دست همتیزی تقویه ایله‌سین
آمین ! ۱۴ شباط ۳۲۷ ، کوز تپه

علی رضاسینی

توحید واتحاد

— ۱۰ —

قوللرندن طوتوب جهنمه آت! اوله‌می؟ هایدی، اولادیکی، حفیدیکی
کندی توز اللرکله یوره‌کک تیرممدن، روحک صارصلمدن، وجدانک
قانامدن طوتده شو دنیا آتشنه آت! باقیم...! اوزواللی آلور ایچنده
دلخراش فریادلرله چایرچایر یانارکن سن بوتون دومانلری صاورتاراق
لاقیدانه جانسز بر هیکل کبی قارشیننده دور! سیرینه باق!
سن اولادیکنک سعادتنه مادر شفقت پروریلر برلکده‌حیاتنک بوتون
اذواقنی، بوتون آرامنی فدا ایتک حسیله متحسس بولونیورسک دکلکی؟
اوحس علوی به بلکه دها سنک صاغلکده نور زیدک وارث اوله‌جق!
سنک آغوشکه بر حفید تقدیم ایدرکن بوتون وجودی بررعه‌سرور
ایچنده غشی اولوب کیده‌جک!

اسلامیت، ایشته او سنک سلسله احفادکله قائم، یوقسه یالکیز
سنک وجودکله دکل! سن! اولادیکی فطرة اصلیمی اولان دین اسلام
اوزرینه تربیه مأمورسک! سن تمیزه کیرنجه آکایوش یواش حیا
اجتماعیه‌نک لن یتیر اولان قواعد اساسیه‌سنی ئوکرتمک، آنی جمعیتک
اجتماعکاهی اولان جامعه کورتورمکه باشلایه‌جقسک!
اولادک، ملتکی اوراده کوره‌جک، ملتینی اوراده حس ایده‌جک.
اوده اولادینه... اوده اولادینه... ایشته اسلامیت ده‌بوصورتله باشایه‌جق.
سن ده بو متسلسل نسلکدن رحمتلر، فاتحه‌لر آله‌جقسک! دفتر اعمالک
کشاده بولومش اوله‌جق. نه بختیارلق! نه سعادت!

امام سیوطی مرحومک جامع صغیرنده ینسه جناب ابی هریره
مخضر ثلرینک روایتله نقل ایتدیکی شو حدیث جلیله باق! « اذامات
الانسان انقطع عمله، الامن ثلاث: صدقة جاریه، او علم یتقع به، او
ولد صالح یدعوله. » انسان تولدیکی وقت عملی ده منقطع اولور. یعنی:
ایشلیدیکی اعمال برو تقوانک ثوابی توقف ایدر. اولدینی کبی قالیر.
یالکیز اوج شی بوندن مسئئنا. بونلرک مکافاتنی لایتقطعدر. آردی
آراسی کسيلمز. یا مدارس و مکاتب اسلامیه‌بی احیا، چشمه، کوبری
یول، جاده کبی نفی عموم انسانیت شامل اولان مبانی و آثار مدنیه،
یا کندیسلیه انتفاع و استفاده اولونان علم، حیات طیبه دینییه‌نک بقاسنه
خادم هر هانکی بر علم و فنی اوقوتمق، خصوصسیله بونلره دأثر کتابلر
تألیف و نشر ایتک، و یا خود نامنی خیر دعا ایلر ایدر و ایتدیریر
ولد صالح، بر خیر الحلف براقق. « کورولیوریا، انسان ایچین حقیقی
حیا نه ایش! برده اندلسده کی او قارا طالعی ییچاره‌لری درخاطر

ایده‌لم! انلر کندیلرینی صلیبه تسلیم ایدن بویوک جدلرینک مزارلرینه
کیدوب فاتحه‌می اوقویوزلر؟ یوقسه ایاقلریله چیکینه‌رک لغتمی ایدیورلر
بدبختلر! آرقه‌لرینه اوله بر نسل براقدلر، که قیامته قدر لغت
خوان!

حیاتک، حیا دیانت، حیا ملیت، حیا حربت، حیا حاکمیت،
حیا ناموس و حیثیت اولدیغنی تقدیر ایتیه‌رک کمال ذلت و مسکنتله دشمن
قلیجی نوند بویون بوکدرک، کوپکلر کبی یرلرده یووارلانه‌رق حیا بهیمیت
و حیوانیتیه راضی اولانلرک سوء عاقبتی ایشته بویله لسان نفرین ایلر یاد اولونمق!
مزارلری حتی کندی نسللری طرفندن کمال حقارتله پامال ایدلکدر!
انسانک - فقط دینیله، ایمانیله، قرآنیله، ملیتیله، حریت و حاکمیتله -
یاشامق واردر. حتی بوحق، نزد الوهیتده او قدر معززدر، که زکای
بشرونی تقدیردن قطعاً عاجزدر.

الله، بزه بو ازلی دینی، بو ابدی قانونی، بو مقدس شریعتی
وظائف انسانی و اصول و قواعد اجتماعی نی ئوکرتمک، بوتون احتیاجات
حیاتیه‌مزی تأمین ایده‌جک و سائط و لوازمک استحصالی یوللرینی کوسترمک
یعنی: بزی بوتون شمول معناسیله انسانجه یاشاتمق ایچین احسان و عنایت
بووردی دکلکی!

کوزل اما حیا بشر، دائماً استقبالدن عبارت. کورسیوریز، که
اسکین، قوتدن دوشن، یاشامغه قدرتی قالمیان حیاتک کوزلری
بومولیور.

ماضی آنی ثابت ماته قویوب خوابگاه عدم آلودینه کومیور.
ماضی بی ایسترسک قبرستانه کیت! ماضی بوتون آرایش و احتشام (!)
سکون پرورانه‌سیله اوراده بر شهرستان عدم تأسیس ایتش، هر کون
سیه‌پوش، دیده نمناک برقاج جمعیت طرفندن زیارت اولونیور، و قدید
نعللر اهدا ایدیور!

اویسه هر کون انسان میکملرندن کاشانه‌لر یاییور! قفالردن اهراملر
وجوده کتیریور.

انسانک ماضی ایلر بر مناسبتی، برداد و ستدی وارسه اوده آنی
یش نظر عبرتنده طوتمق.

صاحب السنة امام المحدثین عنوان جلیلیله بوئون عالم اسلامه فضل
وعرفانی طایتدیرمش، یالکیز کندی عصرینک دکل، بلکه بوتون عصرلرک
مفخر علما و فضلاسی اطلاقه بحق کسب لیاقت ایتش اولان ابو عمر الحافظ
یوسف بن عبدالله بن محمد (بن عبدالبر) بن عاصم القرطبی مرحومک
ودها بیکلرجه مفسرین و محدثینک، بیکلرجه عرفا و ادبانک متنصر،
مرتد قوافل احفادی ده بو میانده! بونلر، جد اعلالرینی اهل ایمانک
برنجی صفرلنده کوردکلری دقیقه‌ده - رجا ایدریم ای او دهشتلی
صوک کونه اینانان دین قارده‌شلر! - حال نه اوله‌جق؟

بویله ابدی بر فلاکت سبب اولانلر بو قارا یوزلیلره نه نظرله
باقه‌جقلر؟
نصل یاقه‌لرندن طوتوب دیوان احکم الحاکمینه چکدرک « ای حاکم

مجرد اتدن ایکن « ییلان کی... » ینجه برودنک پک معروف برتمالی اولان اوخلوق درحال کوزیمزک اوکنه کلیر؛ تعریف ایدنک ایسته ییلان شیک ، یاخود شخصک حالنی بزه اولانجه وضوحیه کوستر . معلومدرکه تشبیه مشبه ، مشبه به ، وجه شبه بولور ؛ ادات تشبیه اولسه ده اولور اولماسه ده . حتی اولمازسه تشبیه ده بلیغ دوشر . مثلاً حامدک شو :

طور و یورکن حرکتسز ، سس سز ؛
بره اینش کوکه بکزدی ده کیز .

ییتسده ده کیز طور غولغیه ، مایلکیه کوک یوزینه بکزه دیلیور . بو تشبیه ده کیز مشبه ، کوک مشبه به ؛ رنگ ایله رکودت ده وجه شبه اولیور . ادات تشبیه یوقسه ده اونک برینه بکزدی فعلی کتیرلش . کمالک شو :

کیجه نی کورنلر صانیرلر : کویا ،
قاره قان طالعلی بر اولو دریا ،
طاغلی ، طاغلی ایچنه آلمش ،
قابارمش قابارمش ده طوکا قالمش !

تصویر یله ، ندیمک بو :

سینه ده بر لحظه آرام ایله کل جانم کی ،
کجه ای روح روان ، عمر شتابم کی .
مطلبنده کویا ، کی ادات تشبیه لری وار . ینه حامدک :
سفها اولیا ، کدا مرتد ؛
پاره معبود ، بانقهر معبد ؛
ییتسده ادات تشبیه لری طاقیه مخدوف .

وجه شبهک شعرده تصریحی ایجاب ایتمز . ذاتاً تصریح اولماز . چونکه بو صورت ده بلیغ اولور . یالکیز مشبه ایله مشبه به بربرینه پک یابانچی طورور ، یاخود آردده کی مناسبتی ادراک هر کسجه قولای اولمازسه سوزی وضوح سزلقدن ، معالقدن قور تارمق ایچون وجه شبه ایراد اولمایدن . مثلاً ابن کمال مرحوم سلیم اوله یالکیز شمس عصر دسه بدی شعر اوقدر واضح اولمازدی . لکن باقیکیز وجه شبهی نه کوزل کوستریور :

آز زمان ایچره چوق ایش ایتشدی ،
سایه سی اولمش ایدی عالمگیر .
شمس عصر ایدی : عصرده شمسک
ظلی مدود اولور ، زمانی قصیر .

کذلک « لیل سنک کائناتی محیط اولاق کالکدر . » جمله سنده کیجه ایله کال آرسنده بر تشبیه یورودلش که غریبدر . زیرا ایسترمشبه ، ایسترمشبه به صورت سنده ایراد اولنسون ، لیلک سیاه رنگلی مادیات ایله ، یاخود کدری ، مائی افاده ایدن معنویات ایله مناسبتی اکلایشیه بیلیرسه ده کال ایله کیجه آرسنده نه کی ملایمت تصور ایداییکی اکلایشیه ماز . اونک

مطابق ! بز نسل پک اسلامدن کلش و خصوصیه (ابن عبدالبر) ، (ابو عبدالرحمن) ، (ابو عبدالله محمد بن عبدالسلام) کی شو اهل توحید اراسنده برنجی صفلی ایچنده کوردیکمز ذوات فخام کی مدار افتخار اسلامیت بویوک جدلره مالک ایکن ایسته بو حریص جاهلر ، بو طمعکارلر قرطبه خلیفه سنک برروالیسی ایکن عصیان ایدهرک برر امیر المؤمنین (؟) اولق ایستملری یوزندن اتحاد اسلامی پارچالادیلر ، تاجان نه وندن خنجرلیدیلر ، نهایت قوجه برملنی اسپانیا خرسیتیانلرینه ، انگیز سیون وحشیلرینه تسلیم ایدهرک بزم ارتدادیمزه سبب اولدیلر . بز بوکون سنک بویوک عدالتکه صیغیرز . بز ؛ بولره آلدانمق ، بولره اطاعت ، بولره حصول مقصدینه یاردیم ایتک یوزندن بلامزی بولوق . هر حقیقی اکلادیق ؛ ایواه که ایش ایشدن کچدی . بزه بوقدر قاجع ، بودرجه هائل برجاتی ارتکاب ایدن بوسفیالرده براقه یارب ؛ حقمری احقاق بویور اللهمزا ! « دیمه یه . جکلرمی ؛ بولر ؛ قورو سوز دکل ؛ هربری بررخرد سوز حقیقت ! برملکی ییقوب محو ایدن - ایواه . . . ! ملندن

دیوان عدالتده فصلدر ؛ خجلندن

افراد بشر اورده بوتون ماخلق الله !

کیم کلش ده کچمش جمله ملندن

محشر ؛ اونه دهشتلی کونی رب عظیمک

انسان ؛ صارایر چهره سی یاد ملندن

سن ایستر اینان ایستر اینانه بو ؛ حقیقت

کیم بزجه بونک فائده یوقدر جلدندن

یهوده یازیق ایله انکار حقیقت !

چاک ایتیه سک چاک کریبان ندامت !

— محرره —

اسلامیتک شانی بومیدر ؛ اسلامیت یالکیز سنک وجود کدن ، سنک حیات کدن ؛ سنک ایمان کدنی عبارتدر ؛ یاسنک اولادیکک ، حفیدیکک نسلکک حق اسلامیتی ، حیات می ایمانی یوق ؛

محمد فخرالدین

ادبیات بحثلری

تشبیه

آرملرنده مادی یاخود معنوی بر مناسبت بولنان ایکی شیئی بربرینه بکزمکدر . تشبیه ادبیلره خاص بر معرفت دکدر ؛ هیمز ، اک عادی ، اک طبیعی محاوره لریمزه بیه بر چوق تشبیه لری یاپارز . چونکه تعریف ایتک ایستدیکمز ماهیتک اگر خارجه ده وجودی وارسه تشبیه ایله بوسپوتون کوز اوکنه کلیر ؛ یوقسه ، ینه تشبیه سایه سنده ، مجرد اتدن اون اولاهیت ، مادیات ساحه سنه کیرر . مثلاً صوغوقاق ، سویمسزلک